



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**KEREITE YA 12**

**SESOTHO PUO YA LAPENG (HL)**

**PAMPIRI YA BORARO (P3)**

**PUDUNGWANA 2017**

**MEMORANDAMO**

**MATSHWAO: 100**

**Memorandamo ona o na le maqephe a 10.**

**KAROLO YA A: MOQOQO****1.1 Leshano ha le na mokoka!**

Moqoqong ona mohlahlobuwa o lokela ho qoqa kamoo motho ya buang leshano a sa kgoneng ho tsitlallela ho seo a se buileng.

**Dikahare:**

- Mohlahlobuwa a ka qoqa ka ketsahalo eo leshano le ileng la buuwa ho yona.
- a ka qoqa ka ditlamorao tsa leshano leo.

**[50]****1.2 Bohahlaudi ke tharollo ya tlhokeho ya mesebetsi.**

Moqoqong ona mohlahlobuwa a ka qoqa ka melemo e tliswang ke bohahlaudi bakeng sa ho theha mesebetsi.

**Dikahare:**

- Mohlahlobuwa a ka hlalosa hore bohahlaudi ke eng.
- a ka nnetefatsa kamoo bohahlaudi bo ka rarolang tlhokeho ya mesebetsi kateng.

**[50]****1.3 Seabo sa motjha dikgethong.**

Moqoqong ona mohlahlobuwa a ka qoqa ka bohlokwa ba dikgetho ho batjha.

**Dikahare:**

- Mohlahlobuwa a ka qoqa ka hore hobaneng ha batjha ba tlameha ho kgetha.
- a ka qoqa ka diphetoho tse ka tliswang ke ho ba le seabo ha batjha dikgethong.

**[50]****1.4 Puo le moetlo ke diyathoteng di bapile.**

Moqoqong ona mohlahlobuwa a qoqe ka kamoo puo le moetlo di tsamaellanang mmoho kateng mme di ke keng tsa arohangwa.

**Dikahare:**

- Mohlahlobuwa a ka qoqa ka bohlokwa ba puo le moetlo setjhabeng sa rona;
- a ka qoqa ka kamoo setjhaba se ka bolokang puo le meetlo ya sona kateng.

**[50]****1.5 Baithuti ba ipabolang dithutong tsa bona tsa materiki ba lokela ho fumantshwa tshehetso ya tsa ditjhelete ha ba fihla yunibesithing. Dumellana kapa o hanane le mohopolo ona.**

Moqoqong ona mohlahlobuwa a ka qoqa ka tshehetso eo mmuso le mekgatlo ya poraefete e lokelang ho nehelana ka yona ho baithuti.

**Dikahare:****Ba dumellanang le sehlooho**

- Mohlahlobuwa a ka qoqa ka kamoo ditjhelete tsa tshehetso di ka tswelang baithuti le setjhaba molemo kateng.
- a ka tiisa ka mabaka.

Kapa

**Ba hananang le sehlooho**

- Mohlahlobuwa a ka qoqa ka kamoo e seng baithuti ba ipabotseng ba ka tshehetswang ka ditjhelete;
- a ka tiisa ka mabaka.

**[50]**

1.6 **Makoloi a molemo haholo ho rona, empa a boetse ke lerumo le re qetelang setjhaba.**

Moqoqong ona mohlahlobuwa a ka qoqa ka bobbe le botle ba makoloi.

**Dikahare:**

- Mohlahlobuwa a ka qoqa ka mathata a ka tliswang ke makoloi le ka melemo e tliswang ke makoloi.

**[50]**

1.7 **Setshwantsho sa 1.7.1 le sa 1.7.2:**

Moqoqong ona mohlahlobuwa o boha setshwantsho, mme o iqapela sehlooho a itshetlehile ka mohopolo wa sehlooho o qholoditsweng ke setshwantsho seo a se kgethileng;

**Dikahare:**

Moqoqo ona o ka ngolwa ho tswa lehlakoreng lefe kapa lefe, ho latela moelelo oo a o fumanang ka setshwantsho.

**[50]**

**MATSHWAO OHLE A KAROLO YA A:**

**50**

**KAROLO YA A: RUBURIKI YA HO LEKANYETSA MOQOQO – (MATSHWAO A 50) SESOTHO PUO YA LAPENG (HL) - SLKT**

Makgetha a ho lekanyetsa	Phihlello e babatsehlang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
<b>DIKAHARE LE MORALO</b> Tshekatsheko ya sehlooho: thophiso ya mehopollo le dintlha, kelohloko ya baamohedi ba ditaba, maikemisetso le maemo  <b>Matshwao a: 30</b>	<b>28–30</b> -nehelano e bontshang kutlwisiso e babatsehlang ya sehlooho e supang bokgoni bo ikgethang -mehopollo e bontsha boqheteke, e phepetsa monahano, mme ke e sutsiseng -e hlophisitse hantle ka tsela e ikgethang/babatsehlang, mme e momahane ka tshwanelo ho kenyeditswe selelekela, mmele le qetelo	<b>22–24</b> -nehelano e ralehleng hantle haholo -mehopollo e tsamaellana le sehlooho ka botlalo, e a kgahlisa mme e na le bopaki ba mehopollo e sutsiseng -o hlophisitse hantle haholo ka tsela e ikgethang, mme o momahane ka tshwanelo ho kenyeditswe selelekela, mmele le qetelo	<b>16–18</b> -nehelano ke e kgotsofsang ditlokeho -mehopollo e momahane ka tsela e kgotsofsang le e kgodisang -o hlophisitse ka tsela e utwisisehang, mme o momahane ka tshwanelo ho kenyeditswe selelekela, mmele le qetelo	<b>10–12</b> -nehelano e momahane mona le mane -mehopollo ke e seng ya boiqapelo, mme e sa hlakang -ho na le bopaki bo seng bokae ba thophiso le momahano ya nehelano	<b>4–6</b> -nehelano e tswile lekoteng ho hang -mehopollo ke e sa tsepamang e dubakaneng -ha e utwahale, mme dintlha di a phetakakwa -ha e a hlophiswa ka tshwanelo le momahano ha e yo
	<b>25–27</b> -mosebetsi o tswileng matsoho le ha o haellwa ke dintlha tse ikgethang tsa moqoqo o babatsehlang -mehopollo ke e sutsiseng mme e bontsha boqheteke -o hlophisitse hantle ka tsela e bontshang bokgoni, mme o momahane ka tshwanelo ho kenyeditswe selelekela, mmele le qetelo	<b>19–21</b> -Nehelano e radilweng hantle -mehopollo ke e loketseng, mme e thahasellisang -o hlophisitse hantle ka tsela e ikgethang, mme o momahane ka tshwanelo ho kenyeditswe selelekela, mmele le qetelo	<b>13–15</b> -nehelano e a kgotsofsata le ha e sa hlaka mona le mane -mehopollo e momahane le ho kgodisa ka tsela e mahareng -ho na le thophiso le momahano e seng ho kenyeditswe le selelekela, mmele le qetelo	<b>7–8</b> -nehelano boholo e tswile lekoteng -mehopollo ha e a momahana ka tshwanelo, mme e a lahlehisa -nehelano ha e na bopaki ba thophiso le momahano	<b>0–3</b> -boiteko ha bo yo ba ho arabela sehlooho -mehopollo e tswile lekoteng ka ho phetahala, ha e a nepahala -nehelano ha e a tsepama sehloohong, mme e dubakane
<b>PUO, SETAELE LE TOKISO YA DIPHOSO</b> Sehalo, rejisetara, setaele, tlontlontse ke tse lokelang sepheo/tshusumetso le maemo Kgetho ya mantswe Tshebediso ya puo le tiwaelo, matshwao a ho bala le mopeleto  <b>Matshwao a: 15</b>	<b>14–15</b> -sehalo, rejisetara, setaele le tlontlontse di loketse sepheo ka tsela e babatsehlang, baamohedi ba ditaba mmoho le maemo -tshebediso ya hae ya puo e a ikgetha, mme e bontsha boitshupo ka tsela e tsotshang -o sebedisitse sehalo se matla, mme se susumetsang ka tsela e ikgethang -o batla o hloka diphoso tsa puo le tsa mopeleto -o radilwe ka bokgoni bo tsotshang.	<b>11–12</b> -sehalo, rejisetara, setaele le tlontlontse di loketse sepheo, baamohedi ba ditaba mmoho le maemo haholo -tshebediso ya puo e matla, mme ho sebedisitse sehalo se loketseng ka nako tsohle -boholo ba mosebetsi ha o na diphoso tsa tshebediso ya puo le mopeleto -o radilwe hantle ka tshwanelo	<b>8–9</b> -sehalo, rejisetara, setaele le tlontlontse di loketse sepheo, baamohedi ba ditaba mmoho le maemo -tshebediso ya puo ke e loketseng, mme e fetisa moelelo ka tshwanelo -puo ya bonono ke e loketseng, mme e sebedisitse ka tshwanelo -sehalo se sebedisitse ka tshwanelo: -o radilwe ka tsela e mahareng feela	<b>5–6</b> -sehalo, rejisetara, setaele le tlontlontse ha di a lokela sepheo, baamohedi ba ditaba mmoho le maemo -puo e sebedisitse feela ka tsela ya motheo -sehalo mmoho le moelelo o hlhiswang ke tema ke tse sa lokelang -ho sebedisitse tlontlontse ya motheo feela	<b>0–3</b> -puo e sebedisitsweng ha se e utwisisehang -sehalo, rejisetara, setaele le tlontlontse ha di a lokela baamohedi ba ditaba, sepheo le maemo -tshebediso ya tlontlontse e haellang haholo hoo nehelano e sa utwisisehang
	<b>13</b> -tshebediso ya puo ke e sefutho, mme e susumetsang sehalo sa tema -o batla o hloka diphoso tsa puo le tsa mopeleto -o radilwe ka bokgoni bo tsotshang	<b>10</b> -tshebediso ya puo ke e nepahetse, mme e loketseng maemo -sehalo ke se matla, mme se loketseng -ho na le diphoso tse seng kae tsa puo le tsa mopeleto -o radilwe hantle	<b>7</b> -tshebediso ya puo ke e kgotsofsang le ha ho na le ho sa tsamaellane mona le mane -ka kakaretso sehalo ke se loketseng le ha puo ya bonono e le e haellang	<b>4</b> -puo ke ya motheo feela, mme e sebedisitse ka tsela e haellang -popeho ya dipolelo ke e tshwanang e se nang motswako -tlontlontse e haella haholo feela	
<b>SEBOPEHO</b> Makgetha a tema: popeho ya dipolelo le kgodiso ya diratswana le bolelele bo hlokehang  <b>Matshwao a: 5</b>	<b>5</b> -kgodiso ya sehlooho ke e babatsehlang -katoloso ya dintlha ke e ikgethang -dipolelo le diratswana di bopilwe ka tsela e ikgethang	<b>4</b> -dintlha ke tse loketseng, mme tse hodisang sehlooho -momahano e bopilweng ke e supang bokgoni -dipolelo le diratswana di loketse nehelano, mme di fapafapanngwa ka tshwanelo	<b>3</b> -dintlha tse loketseng di hodisa sehlooho ka tsela e mahareng -dipolelo le diratswana di bopilwe ka tsela e mahareng -moqoqo o ntse o hlhiswa moelelo	<b>2</b> -tse ding tsa dintlha ke tse utwahalang -dipolelo le diratswana di na le diphoso -moqoqo o a utwisiseha le ha o le diphoso	<b>0–1</b> -dintlha tsa bohlokwa di a haella -dipolelo le diratswana tse hlhisitsweng ke tse fosahetseng -moqoqo ha o na moelelo o lebeletsweng

**Ditaelo ho motshwai:**

- Mohlahlobuwa o lokela ho ngola ka sehlooho SE LE SENG FEELA KAROLONG YA A, mme a ngole ka dihlooho TSE PEDI KAROLONG YA B.
- Karolo ka nngwe e na le ruburiki ya yona.
- Sebedisa diruburiki tseo o di fuweng bakeng sa ho tshwaya tema ka nngwe.
- Mohlahlobuwa a etse moralo bakeng sa tema ya hae.
- Ha mohlahlobuwa a **tswile lekoteng** nehelanong, etsa tsena tse latelang:
  - Abela mohlahlobuwa matshwao bakeng sa dikahare ho fella kगतong ya pele feela.
  - Abela mohlahlobuwa matshwao bakeng sa tshebediso ya puo ho fella kगतong ya pele feela.
  - Abela mohlahlobuwa matshwao bakeng sa sebopeho ho fella kगतong ya pele feela.
- Mohlahlobuwa a etse moralo bakeng sa tema ya hae: Motshwai a lekole dintlha (mehopolo ya sehlooho le e e tshehetsang) ho bona kamoo e lebisang tlhahisong ya diratswana le tema yohle kateng.

**Tataiso bakeng sa ho tshwaya moqoqo:**

Sehella lentswe kapa polelo e fosahetseng mola, o be o bontshe mofuta wa phoso hodima lentswe/polelo ka ho sebedisa matshwao ana a latelang:

- / bakeng sa ho arola mantswe a ngotsweng a kopantswe empa a lokela ho arolwa;
- , + bakeng sa ho kopanya mantswe a arohantsweng empa a ngolwa a kopane;
- mn bakeng sa mongolo (orthography) o fosahetseng;
- mp bakeng sa mopeleto o fosahetseng;
- mt bakeng sa tshebediso ya matshwao a puo a fosahetseng kapa moo ho hlokehang letshwao la puo;
- p bakeng sa puo e sa sebediswang ka nepo kapa ka tshwanelo/tlwaelo;
- ^ bakeng sa lentswe, karolwana ya lentswe le matshwao a ho bala a siilweng dipakeng tsa mantswe a mang;
- // bakeng sa ho arola diratswana.
- ← bakeng sa ha mohlahlobuwa a qadile polelo hara mola;
- ↑↓ bakeng sa ha mohlahlobuwa a fetoletse dintlha tsa hae a qadile ka eo a lokelang ho qetella ka yona.

**SENOTLOLO SA HO TSHWAYA:**

Makgetha a tekanyetso	Matshwao	Senotlolo
Dikahare le Moralo	30	DM =
Puo le Setaele le Tokiso ya diphoso	15	PST =
Sebopeho	05	Seb =
<b>Matshwao ohle</b>	<b>50</b>	

**KAROLO YA B: DITEMA TSA KGOKAHANO****POTSO YA 2****2.1 LENGOLO LA KOPO****Sebopeho**

- Aterese di pedi. Aterese ya mongodi wa lengolo e ngolwa ho tloha mahareng a leqephe ho leba letsohong le letona, e nto latelwa ke letsatsi, kgwedi le selemo;
- Aterese ya ya ngollwang e ngolwa ka letsohong le letshehadi. e qala ka maemo a tshebetso a ya ngollwang ebe ho latela aterese ya hae ka botlalo;
- Tlasa aterese ho ngolwa tumedisio (Monghadi, mofumahadi kapa mofumahatsana);
- Tlasa tumedisio ho ngolwa mola wa sehlooho – o totobatsang sepheo sa lengolo, e nto ba selemekela;
- Mmele – ke moo mohlalobuwa a ngolang ka dikahare tse totobetseng tsa ho ngolwa ha lengolo lena le itshetlehileng hodima dintlha tsa mmapa wa monahano;
- Qetelo ke ya semmuso, mme e ngolwa e le '*Ka botshepehi, Ka boikokobetso* jj;
- Ya ngolang o ngola lebitso la hae ka botlalo ka mora qetelo, ebe o a saena.

**Dikahare:**

- Mohlalobuwa a ka hlahisa sepheo sa lengolo e leng ho kopa dithuso tsa dijo le diaparo.
- a ka hlalosa seo mokgatlo o ka se etsang ha o ka fumantshwa dithuso tseo.

**[25]****2.2 PUISANO****Sebopeho:**

- Puisano ke tema e ngolwang ho hlahisa puisano e teng pakeng tsa batho ba babedi kapa ho feta.
- Lebitso la sebui le ngolwe ka letsohong le letshehadi la leqephe, le bile le latelwa ke letshwao la kgutlopedi (jk. Karabo:);
- Puisano e itshetlehe hodima dintlha tsa mmapa wa monahano.

**Dikahare:**

- Mohlalobuwa a ka hlahisa mabaka a hae a etsang hore Karabo a hane ho ya yunibesithing.
- a ka tiisetse le ho tshepisa motswadi wa hae (Karabo) hore ha a ka fumantshwa monyetla wa ho etsa seo a se labalabelang, a ka ba le bokamoso bo tjhabileng.

**[25]**

**2.3 ATIKELE E YANG MAKASINENG****Sebopeho**

- Atikele e ba le sehlooho se hohelang mahlo;
- Lebitso la moqolotsi wa ditaba le sebaka seo atikele e ngolletsweng teng di ngolwa ka hodima seratswana sa pele;
- E arolwa ka dikholomo tse bopilweng ka diratswana tse kgutshwanyane;
- Ditaba di hlahiswa ka sebopeho sa boloko;
- Dintlha di lokodiswe ka tsela ya phiramite/fanele.
- Atikele e itshetlehe hodima dintlha tsa mmapa wa monahano.

**Dikahare:**

- Mohlahlobuwa a ka hlalosa kamoo ditsotsi di qhekanyetsang batho kateng.
- a ka qoqa, a eletsa kamoo ba lokelang ho ba sedi kateng ha ba le metjhining ya di-ATM.

**[25]****2.4 LENANETSAMAISO LE METSOTSO YA KOPANO**

Lenanetsamaiso ke moralo le tlhophiso ya ditaba tse tla tshohlwa kopanong ya mokgatlo. Hangata lenanetsamaiso le tsamaya le tsebisu ya mohla wa kopano, sebaka le nako eo kopano e tla tshwarwa ka yona. Sebopeho sa lenanetsamaiso la dikopano hangata se a tshwana, mme se akaretsa dintlha tse latelang:

**Sebopeho:**

1. Pulo ya kopano le kamohelo;
2. Tlhomamiso ya kopano;
3. Mabitso a ba teng le ba siyo;
4. Metsotso ya kopano e fetileng;
5. Tse tswang metsotsong;
6. Ditaba tse ntjha tsa letsatsi leo:
  - 6.1 Ho hlwaya dibaka tse aparetsweng ke botlokotsebe
  - 6.2 Mokgwa wa tshebetso
7. Tse ka tlatsetsang;
8. Kgetho ya letsatsi la kopano e latelang;
9. Ho kwala.

(Lenanetsamaiso le metsotso ya kopano di itshetlehe hodima dintlha tsa mmapa wa monahano.)

**Metsotso ya kopano:**

Metsotso ya kopano ke tlaleho ya ditaba tsa kopano e neng e tshwerwe mme e lokela ho tsamaellana le dintlha tsa lenanetsamaiso.

**[25]**

**2.5 INTHAVIU E NGOLWANG****Sebopeho:**

- Dipotso di hlophiswe hantle ho nonya dikarabo tse tla nehelana ka tlhahisoleseding ka botlalo;
- Lebitso la sebui le ngolwe ka letsohong le letshehadi la leqephe, le bile le latelwa ke letshwao la kgutlopedi (jk. Teboho:);
- Mmotsi o botsa mmotsuwa dipotso tse itshetlehleng ka kgaello ya metsi mme mmotsuwa o araba dipotso tsena;
- Sehlo e be se loketseng kopano ena, puo e be ya semmuso.
- Inthaviu e itshetlehe hodima dintlha tsa mmapa wa monahano

**Dikahare:**

Motshwai a ananele nehelano e ikamahantseng le kgaello ya metsi.

Ela hloko: Ha mohlalobuwa a sebedisitse lereo ramotse e le majoro, morena wa sebaka kapa lekhansele a se fuwe kotlo.

**[25]****2.6 LENGOLO MMOHO LE TOKOMANE YA BOITSEBISO****Sebopeho:**

- Aterese di pedi. Aterese ya mongodi wa lengolo e ngolwa ho tloha mahareng a leqephe ho leba letsohong le letona, e nto latelwa ke letsatsi, kgwedi le selemo;
- Aterese ya ya ngollwang e ngolwa ka letsohong le letshehadi. E qala ka maemo a tshebetso a ya ngollwang ebe ho latela aterese ya hae ka botlalo;
- Tlase aterese ho ngolwa tumedisano (Monghadi, mofumahadi kapa mofumahatsana);
- Tlase tumedisano ho ngolwa mola wa sehlooho – o totobatsang sepheo sa lengolo, e nto ba selelekela;
- Mmele – ke moo mohlalobuwa a ngolang ka dikahare tse totobetseng tsa ho ngolwa ha lengolo lena le itshetlehe hodima dintlha tsa mmapa wa monahano;
- Qetelo ke ya semmuso, mme e ngolwa e le '*Ka botshepehi, Ka boikokobetso* jj;
- Ya ngolang o ngola lebitso la hae ka botlalo ka mora qetelo, ebe o a saena.

**Tokomane ya boitsebiso:**

Dintlha e be tse tsamaelanang le tse batlilweng phatlalatsong ya sekgeo sa mosebetsi

**Sebopeho:**

- Dintlha tsa boitsebiso e be tse felletseng;
- Tsa thuto;
- Hlakisa diphihlelo tsa hao;
- Dipaki.

**Dikahare:**

- Mohlalobuwa o ngolla Tharollo Selepe lengolo la kopo ya mosebetsi.

**[25]****MATSHWAO OHLE A KAROLO YA B:****50****MATSHWAO OHLE A PAMPIRI ENA:****100**



**RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]**

<b>Makgetha a ho lekanyetsa</b>	<b>Phihlello e babatsehlang</b>	<b>Phihlello e supang bokgoni</b>	<b>Phihlello e mahareng</b>	<b>Phihlello ya motheo feela</b>	<b>Phihlello e haellang</b>
<p><b>DIKAHARE, MORALO LE SEBOPEHO</b></p> <p>(Nehelano le mehopollo) Ho rala, ho hlophisa mehopollo Kelohlolo ya maikemisetso, baamohedi ba ditaba le maemo</p> <p><b>MATSHWAO A 15</b></p>	<p><b>13–15</b></p> <p>-Nehelano e babatsehlang ya sehlooho e supang bokgoni bo ikgethang -Mehopollo e matla e sutsitseng -Tsebo e batsi ya makgetha a mofuta ona wa tema -Nehelano ha e kgere e tsepame sehloohong -Mehopollo le dikahare ke tse momahaneng, tse hlalositsweng ka botebo, mme dintlha di tshhehetsa sehlooho -Sebopeho ke se loketseng se nang le diphoso tse mmalwa</p>	<p><b>10–12</b></p> <p>-Nehelano e ntle haholo e bontshang tsebo e ntle ya makgetha a mofuta ona wa tema -Nehelano ha e kgere e tsepame sehloohong -Mehopollo le dikahare ke tse momahaneng, tse hlalositsweng ka botebo, mme dintlha di tshhehetsa sehlooho -Sebopeho ke se loketseng se nang le diphoso tse mmalwa</p>	<p><b>7–9</b></p> <p>-Nehelano e lekaneng e bontshang tsebo ya makgetha a mofuta ona wa tema - Nehelano e na le tsepamo e itseng feela sehloohong empa e a kgera -Mehopollo le dikahare di na le momahano e amohelehang -Ke dintlha tse itseng feela tse tshhehetsang sehlooho -Ka kakaretso sebopeho ke se loketseng empa se nang le diphoso tse itseng</p>	<p><b>4–6</b></p> <p>-Nehelano ya motheo e bontshang tsebo ya makgetha a itseng feela a mofuta ona wa tema - Nehelano ha e a tsepama sehloohong ka ho phethahala ho na le ho kgera ho itseng -Mehopollo le dikahare ha se ka mehla di momahaneng -Sehlooho se tshhehetswa ke dintlha tse itseng feela -Sebopeho se fofo feela, mme se na le bohlotso bo boholo</p>	<p><b>0–3</b></p> <p>-Nehelano e totobatsa kgaello ya tsebo ya makgetha a mofuta ona wa tema -Moelelo o nyotobetswa ke ho kgera ho hoholo -Mehopollo le dikahare ha di na momahano -Ke dintlha tse mmalwa haholo tse tshhehetsang sehlooho -Ha ho na boiteko bo entsweng ho sebedisa sebopeho se nepahetseng</p>
<p><b>PUO, SETAELE LE TOKISO YA DIPHOSO</b></p> <p>Sehalo rejistara, setaele, maikemisetso, baamohedi ba ditaba le maemo Tshebediso ya puo, tlwaelo ya tshebediso ya puo, kgetho ya mantse, matshwao a puo le mopeleto</p> <p><b>MATSHWAO A 10</b></p>	<p><b>9–10</b></p> <p>-Sehalo, rejistara, setaele le tlotlontswe di loketse ka ho fetisisa maikemisetso, baamohedi ba ditaba le maemo -Tshebediso ya puo e nepahetse e bile e bopehile hantle -Nehelano ha e na diphoso</p>	<p><b>7–8</b></p> <p>-Sehalo, rejistara, setaele le tlotlontswe di loketse ka ho fetisisa maikemisetso, baamohedi ba ditaba le maemo -Ka kakaretso tshebediso ya puo ke e nepahetseng e bileng e bopehile hantle -Tshebediso ya tlotlontswe e ntle haholo -Nehelano boholo ha e na diphoso</p>	<p><b>5–6</b></p> <p>-Sehalo, rejistara, setaele le tlotlontswe di loketse maikemisetso, baamohedi ba ditaba le maemo -Nehelano e na le diphoso tse itseng tsa tshebediso ya puo -Tshebediso ya tlotlontswe ke e lekaneng -Diphoso ha se tse nyotobetsang moelelo</p>	<p><b>3–4</b></p> <p>-Sehalo, rejistara, setaele le tlotlontswe ha di a lokela maikemisetso, baamohedi ba ditaba le maemo hantle -Tshebediso ya puo e fosahetse e bile e tletse diphoso tse ngata -Tshebediso e seng kae ya tlotlontswe -Moelelo o nyotobeditswe</p>	<p><b>0–2</b></p> <p>-Sehalo, rejistara, setaele le tlotlontswe ha di dumellane le maikemisetso, baamohedi ba ditaba le maemo -Nehelano e tletse diphoso e dubakane -Tlotlontswe ha e dumellane le maemo -Moelelo o nyotobeditswe haholo</p>

**KAROLO YA B: DITEMA TSA KGOKAHANO****SENOTLOLO SA HO TSHWAYA:**

<b>Makgetha a Tekanyetso</b>	<b>Matshwao</b>	<b>Senotlolo</b>
Dikahare, Moralo le Sebopeho	□5	DMS. =
Puo, Setaele le □Tokiso ya diphoso	10	PST =
<b>Matshwao ohle</b>	<b>25</b>	